

Nubbel-Danz

Zick Wieverfastelovend nit jepennt.
En Woch, die Dach un Naach nit kennt.
Ävver diensdachsovends weed jeflennt:
Die Zick, die rennt. Die Lunt, die brennt.

*Hey, Mädche, kumm un danz, [3X]
bes Äschermettwochmorje.*

Dem Herrjott dun de Ohre klinge:
Sechs Dag' un Näch' kann Kölle singe,
des Ovends fiere, danze, springe -
un morjens dann de Botz nit finge.

*Hey, Mädche, kumm un danz, [3X]
bes Äschermettwochmorje.*

Stöpp zo Stöpp un Äsch zo Äsch.
Die letzte Tüt. Die letzte Fläsch.
Keine möde Cent mih en d'r Täsch.
Äschermettwoch steit d'r Fesch om Desch.

*Hey, Mädche, kumm un danz, [3X]
bes Äschermettwochmorje.*

Diensdachsovends vör d'r Kneip op d'r Eck:
Ne Knubbel Minsche, 'all blue'n black'.
D'r Nubbel brennt - jlich es hä verreck:
Wä he nit kriesch, es wirklich jeck.

*Hey, Mädche, kumm un danz, [3X]
bes Äschermettwochmorje.*

*Danz, su lang du danze kanns, [3X]
bes Äschermettwochmorje.*

*Danz met meer dä Nubbel-Danz [3X]
bes Äschermettwochmorje.*